

SPORTSKI KRITERIJ

- UPUTSTVO ZA IZRADU DOKUMENTACIJE ZA ISPUNJENJE KRITERIJA –

Ciljevi sportskih kriterija su:

- Da klubovi koji učestvuju u takmičenju Prve lige NS Federacije BiH i klubovi koji se plasiraju u takmičenje Premijer lige BiH investiraju u razvojni omladinski program;
- Da klubovi podržavaju nogometnu edukaciju i ohrabruju nenogometno obrazovanje svojih mladih igrača;
- Da klubovi razvijaju fer-plej na terenu i izvan njega, te uzajamno razumjevanja Pravila nogometne igre i sudijskih pitanja među onima koji su uključeni u utakmice (treneri, igrači, službena lica);
- Da klubovi kao i svi učesnici u takmičenjima, druge ljude tretiraju na pošten način, neovisno od njihove boje, porijekla, nacionalnosti, statusa i okolnosti, kako bi se umanjio i preduprijedio efekat razizma i nacionalizma (šovinizma).

Da bi aplikant za licencu (klub) zadovoljio sportske kriterije mora ispuniti minimum zahtjeva sadržanih u Pravilniku o licenciranju klubova kao i dokaze o ispunjenju dokumentovati na sljedeći način.

S.01. Usvojen program za razvoj omladinskog nogometa

Svaki klub mora imati program za razvoj omladinskog nogometa.

Ovaj program se mora do 15. februara/veljače dostaviti Administraciji za licenciranje/ekspertu za sportski kriterij na odobrenje. Uz program potrebno je dostaviti izjavu kluba potpisanu od strane odgovorne osobe da je program usvojen na sjednici (datum) organa uprave kluba.

Samo program za razvoj omladinskog nogometa odobren od strane Administracije za licenciranje, smatrat će se dokazom o ispunjenju uslova S.01.

Odobrenje programa će se konstatovati u pisanoj formi na period od najmanje 3 godine i za to vrijeme nije potrebno ponovo dostavljati program, osim u slučaju izmjena koje je uradio sam aplikant za licencu ili u slučaju dodatnih zahtjeva koje je odredio davalac licence.

Program za razvoj omladinskog nogometa mora obrađivati sljedeće tematske cjeline

- a) Ciljeve i filozofiju razvoja omladinskog nogometa**
 - Uvodni tekst (izjava) na početku programa
- b) Organizacija omladinskog pogona**
 - Organizaciona šema;
 - Pozicija pogona u organizacionoj šemi kluba;
 - Mladi timovi.
- c) Osoblje**
 - Stručno, administrativno, zdravstveno, pomoćno;
 - Stanje stručne osposobljenosti i planovi edukacije.
- d) Raspoloživost infrastrukture za omladinski pogon**
 - Objekti i tereni za treniranje i utakmice;
 - Stanje opreme i rekvizita za treniranje.

e) Financijski resursi

- Raspoloživa sredstva, doprinos Kluba (aplikanta za licencu), igrača ili lokalne zajednice;
- Izvori finansiranja: članarina, klub, lokalna zajednica, roditelji, donacije, sponzori.

f) Program edukacije u nogometu za različite starosne grupe (vještine igranja, tehničke, taktičke i fizičke pripreme)

- Najvažniji i najobimniji dio programa za razvoj omladinskog nogometa
- U programu treba da budu obrađeni sljedeći elementi:
 1. Osnovni zadaci, sadržaj i metodu rada;
 2. Selektivnost, metode provjere i testovi provjere;
 3. Godišnji plan obuke elemenata tehnike, taktike i kondicije za svaku kategoriju posebno;
 4. Godišnji plan obuke za golmane/vratare;
 5. Periodizacija rada sa takmičarskim selekcijama;
 6. Izvod iz dnevnika rada-list

g) Program edukacije o „Pravilima nogometne igre“

- Navesti načine edukacije mladih igrača

h) Program edukacije o anti-dopingu

i) Program edukacije o integritetu

j) Medicinska podrška mladim igračima

- Način medicinske zaštite mladih igrača

k) Proces pregleda i povratne informacije radi ocjenjivanja rezultata i ispunjenja postavljenih ciljeva

- Uspostaviti pisane procedure pregleda valjanosti programa i način prikupljanja povratnih informacija

l) Validnost programa je od najmanje 3 godine do najviše 7 godina.

Svaki klub treba da u sklopu Programa za razvoj omladinskog nogometa ili kroz posebnu izjavu osigura uvođenje sljedećih odredbi:

- a) Klub osigurava da svaki mladi igrač involviran u njegov razvojni omladinski program ima mogućnost da pohađa obaveznu redovnu nastavu u skladu sa entitetskim zakonom;
- b) Klub osigurava da svaki mladi igrač involviran u njegov omladinski razvojni program ne bude sprječavan da nastavi svoje nenogometno obrazovanje (srednja škola ili sticanje struke).

S.02 Mladi timovi

U sklopu kriterija S.02 potrebno je dostaviti listu igrača prvog tima kao i listu mladih timova i to: **U-19, U-17, U-15, U-13 i U-11**. Svi igrači na listama moraju biti registrovani u NS/FS BiH, a liste same moraju biti ovjerene i potpisane od strane kantonalnih/županijskih nogometnih saveza.

Za svaki mladi tim mora se navesti takmičenje priznato od strane NS FBiH ili NS/FS BiH u kojem učestvuje taj tim, osim za U-11 obzirom da za ovu starosnu grupu nema takmičenja na službenom nivou.

Za U-11 kategoriju treba navesti eventualna turnirska takmičenja.

S.03 Medicinska zaštita igrača

Klub mora osigurati da svi njegovi igrači, koji imaju pravo nastupa za prvi tim, izvrše godišnje ljekarske preglede, uključujući kao minimum kardiovaskularni test.

Ovaj kriterij se dokazuje kroz izjavu klupskog ljekara.

S.04 Sudijska pitanja i pravila igre

Klub osigurava ispunjenje ovog kriterija putem izjave da je klub obezbjedio putem kantonalnih/županijskih saveza i njihove sudačke organizacije edukaciju najmanje kapitena tima ili njegove zamjene i glavnog trenera i njegovog pomoćnika po pitanju „Pravila nogometne igre“ i sudijskih pitanja.

S.05 Praksa rasne i nacionalne jednakosti i antidiskriminacije

Klub osigurava ispunjenje ovog kriterija putem odgovarajuće izjave od strane najvišeg organa uprave kluba uspostavio politiku koja će se baviti sprječavanjem i preduprjeđivanjem rasizma, nacionalizma i šovinizma u nogometu.

Ekspert za sportske kriterije